

一本堂行餘醫言

空
徽瘡

8
i 97

F
4-87

醫部
正印

一本堂行餘醫言卷之六上

香川修德太冲父著



者或有便毒而微瘡發者或有止下疳者止便毒者或有
止微瘡者或有二證三證瘰癧發者此由三證元是一病也
蓋下疳者微之發陰莖者也便毒者微之發腹股合縫之

行
餘
醫
言

490.9
Ip-2
6



富士川文庫

1374



一本堂行餘醫言卷之六上

香川修德太冲父 著

徽瘡徽謨杯切音枚 附 下疳 便毒 膿淋

囊瘡 結毒 發漏

徽瘡下疳便毒本是一證而非別疾或有下疳而發徽瘡

者或有便毒而徽瘡發者或有止下疳者止便毒者或有

止徽瘡者或有二證三證齊發者此由三證元是一病也

蓋下疳者徽之發陰莖者也便毒者徽之發腹腿合縫之

行餘醫言

徽瘡

一

一本堂藏書

間也。黴瘡者，黴之發全身者也。今使逐條別說，得_レ知_レ明白。
 黴瘡者，瘡生頭面手足腹背，或痛或痒，或無痛痒，膿汁有
 出有不出，大小圓扁不等，增展浸淫，臭穢潰爛，久遠毒深。
 注成頑瘡，結滯于一身之大關節，肩肘腕腰膝脛等處，而
 至屈伸行坐不便，腰足萎脫，遂為廢痼。慎勿用薰方嗅藥，
 水銀輕粉，外敷速愈之法。苟誤用之，則伏為結毒，蒸成發
 漏，證狀多端，名呼隨異。而此瘡稀於古時，而盛於後世。稽
 考_{スレ}古稱，唯有陰瘡一名可據。然不可_レ的_レ知其瘡，與今所患

黴瘡全同否乎？又且似專言下疳，故姑標黴瘡以為總綱。
 為其從今所盛有，而諸名中彼善於此也。

先醒齋筆記云：黴瘡言此瘡青黑蒼白如物中久雨而

生黴之色也。

其他如楊梅瘡

見汪機石山醫案丹溪心法附餘萬病回春外科正宗

本州綱目等

綿花瘡

行余醫言

黴瘡

二

本草綱目

景岳全書云毒甚而大者泛爛可畏形如綿花故名綿
 花瘡又徽瘡秘錄云形如花朵俗以綿花瘡名之又若
 陳實功云自期綿綿難絕者出外科正宗其說甚僻
 果子瘡

普渡慈航云果子瘡類其像而俗呼之也

黃豆瘡

出衆方規矩

葡萄瘡

同上

砂仁瘡

徽瘡秘錄云瘡標耳項脇肋形如砂仁俗以砂仁瘡名
 之。此亦以形似名之耳不可拘耳項脇肋也

茱萸瘡

景岳全書云毒輕而小者狀類茱萸故名茱萸瘡

廣瘡

出證治準繩

廣東瘡

見景岳全書

廣痘

徽瘡秘錄云形如鼓釘俗以廣痘名之

廣豆

證治準繩云細小者稱廣豆

楊梅癰

見丹溪心法附餘

陽徽瘡

甘全書

徽瘡秘錄云瘡標耳內陰囊頭項背脊形如爛株名曰

陽徽瘡又曰嶺南之地卑濕而暖霜雪不加蛇蟲不蟄

諸凡污穢蓄積於地遇一陽來復濕毒與瘴氣相蒸物

感之則徽爛易毀人感之則瘡瘍易侵更逢客火交煎

重虛之人即冒此疾故始謂之陽徽瘡云○此尤杜撰

之甚也易楊易梅連稱陽徽可謂妄作也

梅瘡

行餘醫言

徽瘡

四

一本堂藏書

同上此亦省楊字止用梅一字則不可通也蓋以此瘡似楊梅而非似梅又雖以徽梅音相近而字義大異故謂楊梅則可唯謂梅則不可

賣瘡

先醒齋筆記云俗呼賣瘡此亦以徽梅賣音相近故云爾濫矣哉

楊梅風

見濟世全書

翻花瘡

證治準繩云肉反於外狀如蠟色凡瘡外反者皆可稱翻花何獨於此瘡可專言乎

時瘡

外科正宗云因時氣在變邪毒湊襲此說恐非也蓋言時興毒瘡耳

天泡瘡

薛已曰天泡瘡屬元氣不足邪氣所乘亦有傳染而患

又景岳全書云其在西北人則名曰天泡瘡東南人又謂之廣東瘡

天泡瘡

古今醫統云北方又名薄皮瘡又醫學入門云形如魚泡內多白水按之不緊者謂之天泡瘡○魚泡不知何物疑是魚胞或是魚泡蓋李梴失不知字也且痘瘡一名泡瘡亦相混非空也

大風痘

醫學入門云形如鼓釘黃豆者多生滿面謂之大風痘

大麻風

又云有呼楊梅為大麻風者以理推之形如楊梅焮紅濕爛痒痛多生乳脇○以上二名與癩混亦不可用

癰

又云失治久則風毒深入經絡挾濕而成頑癩或氣血虛敗而成漏或誤服輕粉水銀及不遵禁戒而成風堆腫爛流膿出汁謂之癰病至於此亦有蝕傷眼鼻腐爛

王莖拳^中攣肢體與癩無異。○此以壞至膿爛謂之癰者尤可謂妄濫矣。

厲瘡

壽世保元云夫厲瘡者一名楊梅瘡因形相似乃氣受之故堅實凸起

厲風

普渡慈航云楊梅瘡者一名厲風以下十有○此二名全與癩同李挺龔廷賢俱是妄作蓋此證雖偶有與癩

相似者而元自不同何可相混乎○右大風痘以下五名杜撰特甚固不足取

大藥外瘡之發出者最是喜事何也蓋元氣健運排托有力故以瘀血惡汁無地容身盡浮外面發出為瘍不須假他藥餌之資猶且用雞肉及卵或鮮魚肥肉糯糞辣茄等以助外發勿令內陷故瘡快發而能食者不藥而待痂自落此至良法也猶灸瘡膿盡則肌肉生而痂自落也若夫毒淡膿多潰爛甚久者預兼服解毒藥則毒氣自二便瀉

于徐醫言

徽瘡

七

一本堂藏書

下而內外無遺策矣。世醫無知，反謂肥肉為發瘡毒物，禁之不使飢食，何其謬哉！其又最下者，淡食素養，內氣日衰，瘡必內陷，却為終身結毒，殊不知發瘡之物，皆是滋味，助元氣，益新血，不令惡血瘀滯，留滯潛匿，最是上好之品耳。試使無徽氣人食之，亦能發瘡，則決可徵是毒物也。而今無徽氣人食之，曾無瘡外發，則知其物已非毒，而其發瘡也，固是有徽氣之人，而非無瘀血人也。彰彰而明矣。觀之可以見其禁之者之無見識也。但其間謹飽食，絕交接，以

俟氣映瘡瘡可也。勿以非死證而輕視之，竟成癩癩，以抱終身之苦也。

下疳者，謂下部陰莖生瘡疳蝕也。夫下疳之為病也，在陰莖頭口，左右上下生瘡，或如細粟粒，或如豆粒，或赤爛，或陷蝕，或痛，或不痛，或痛痒相半，有腫，有不腫，或皮腫，如水泡，或寒熱溺澁，而後漸漸侵蝕，膿汁淋漓，潰爛虧損，終失陽物。又瘡著龜頭後凹處者尤多。又有天生皮包陰莖者，猶小兒之腹之雀頭也。其包裹之淺者，露龜頭十之二三。

淡者至全頭隱沒僅見馬口故若人之患下疳也皮裏蒸
 熱潤爛難乾所以最難治也間有爛失陰頭獨存外皮者
 證狀多端苦患不同古稱陰瘡者大為近焉而古今人異
 風氣亦隨而不同故所患較致不一耶今舉古稱略資考
 檢但古所謂陰瘡多屬婦女在今日則男患至多而女病
 甚稀何古之婦人染者多而今之女子患者少耶尤可怪
 也此所以古所謂陰瘡與今所有疳瘡同異多少難決為
 一非無可疑也

素問云陰中迺瘍隱曲不利互引陰股至真要大論
 金匱方論云少陰脉滑而數者陰中即生瘡陰中蝕瘡
 爛者狼牙湯洗之

神農本草云陰瘡蝦蟇條

名醫別錄云男子陰瘡孔公孽條又云女子陰瘡龜甲條

神農本草云陰蝕五色石脂五加皮蚤休陰蝕惡瘡蝟皮龜甲鼈甲等條

石條陰蝕不瘳營實條陰蝕腫痛烏賊魚骨條陰傷蝕

瘡藥水條婦人陰蝕石硫黃條女子陰蝕痛石膽條女

子陰蝕見羊蹄淮木等條

名醫別錄云陰蝕龍骨條婦人陰蝕土殷孽條女子陰

蝕孔公孽篇蓄等條

通考以上諸條陰瘡者男女可相通稱而陰蝕者專屬

婦人甚明矣且觀肘後方云陰瘡有二種一者作日膿出曰陰蝕二者但赤作瘡名

為熟千金方外臺祕要所引必効方云陰瘡陰邊如粟粒生瘡及濕痒

崔氏方張文仲方俱云陰蝕等所云雖不分男女而古今錄

驗云婦人陰蝕苦中爛傷由是推知古所謂陰蝕者多

係婦女而齊德之外科精義李挺醫學入門輩以為一種下疳者

非也○又按陰瘡肘後方云男子陰瘡女子陰瘡又病源候論千

金方俱云男女陰瘡外臺祕要所引必効方古今錄驗以下皆

同

下疳之名亦從後世通稱或云下疳瘡亦可也由其陰瘡

難專一決為下疳瘡也

按千金方有疳瘡字又外臺祕要婦人陰蝕及疳方門

行余醫言

下疳

十

一本堂藏書

中有崔氏療疔方其他皆係後世稱呼

若夫妬精瘡

千金方云夫妬精瘡者男子在陰頭節下婦人在玉門

內並似疔瘡作白

臊疔

儒門事親云凡下疔久不愈者俗呼曰臊疔

耻瘡

醫學綱目引朱震亨云

血疔

見仁齋直指

濕陰瘡

外科精義云夫陰瘡者大槩有三等一者濕陰瘡二者

妬精瘡三者陰蝕瘡又曰下疔瘡濕瘡者風濕相搏瘙

痒成瘡浸淫汁出狀如疥癬者是也妬精者由壯年精

氣盈滿久曠房室陰上生瘡赤腫作害妨悶痒痛者是

也陰蝕瘡者經絡痞澁氣血不行或房勞洗浴不潔以

致生瘡隱忍不醫焮腫尤甚由瘡在裏措手無方疼痛

注悶或小便如淋陰肉腫痛是也或經十數日潰爛血

膿肌肉浸蝕或血出不止以成下疳又證治準繩云男婦陰部濕滲瘡

楊梅疳

出丹溪心法附餘蘇香大藥言三等一皆屬此疳二皆

蠟燭發

古今醫鑑云下疳陰頭生瘡腫痛一名蠟燭發

陰頭癰

見千金翼方

陰頭瘡

出醫學綱目

陰疳

見本草綱目燈心州條

蛙疳

出先醒齋筆記又醫林集要有瘡字

下注疳瘡

行餘醫言

下疳

十二

一本堂藏書

出丹溪心法附餘

小便注桿甘瘡

見證治要訣

玉莖蛙稗

見救急秘傳方

蛙幹瘡

見赤水玄珠

蛙梗

徽瘡秘錄云爛去陽物名蛙梗或為卷心

卷心蛙疳瘡

又云前陰發且腐至根

獨脚楊梅瘡等皆濫名也

又云陽物生瘡如楊梅堆滿狀如鼓椎他處不生者名

為獨脚楊梅瘡

又小兒患此證者此由其父母傳毒所致也

見千金方云小兒陰瘡又外臺秘要引備急方云小

行餘醫言

下疳

十三

一推堂藏書

兒疳瘡又小兒疳濕瘡又本州綱目石綠條引集玄方云小兒疳瘡○按醫書稱小兒疳者多以濕爛疳蝕皆為疳與下疳大異見者須詳辨焉

蓋原其所因皆本於人身軀殼中瘀血也既有一滯瘀血則正血漸漸傳染猶濁水混清流也始但滯竄軀中隨血隧而上下以後竟流留于體中陰濕之地成瘡疳蝕矣得於乳抱者間亦有之王肯堂曾言之如是互哉見證治準繩夫芽兒之為體也皮膚柔軟薄弱如繭綿如麪筋如新擣溫

養而乳母有穢氣者乳之抱之匪朝維夕時時刻刻視昵無間是以穢氣漸染浸透終為此證之根基或當有之不可謂無是事也又有男人愛兒者每懷抱之和和弄戲兒寢於懷中煦煦穢氣漸染兒身亦為病根此亦偶有之事也又因宿娼感氣傳染者無與注兒異而非留宿青樓者皆然此因其身中固蓄瘀血同氣相感而生也譬如用發燭近火已近火也忽輒引光發焰此由有硫黃也若用無硫木片近火則未嘗出光發焰硫黃猶瘀血也以吾瘀血

視彼痰氣其傳染也速於焯兒引火若夫無痰血者雖旦
 暮在花柳中淫戲而間有亦不染者也又有無外傳而自
 發者此由其體中所固有之痰血而獨自發也若陳實功
 所謂男女陰器不淨慾念猖狂房術秘精三等而成者

見外科正宗

亦間有之若謂此證全由是三者則非也近世醫籍多說
 邪淫慾火非必皆然但觀當時流俗患是疾者悉皆由交
 合妓女而得之非徒下賤土妓雖高品上妓亦皆有之而

主人既受之於妓遂傳之於其妻妾故雖良家妻妾亦莫
 不皆罹此苦且其妻妾之或去或寡者再成仕女抱衾於
 高貴之閨閣又傳之於王公之體故王公大人亦皆多染
 是患况其淫瀆犯禁遊青樓者乎又有淫禿犯戒者固不
 須言若清流之畏怖冥罰堪忍女犯肉食者却亦愛著男
 娼傳注甚多嗚呼異矣哉今之世也貴賤男女老少滔滔
 通病無所徃而不為徽人而有世之不審考察之徒偶診
 王公浮屠之疾每自疑似望洋終不辨是何疾者此皆係

微氣結毒之所為者居多。但以其無素。故不知耳。執斯術者。須加三患為。

王肯堂曰。生於竅口為下疳。瘡今但生於陰莖者。皆為

下疳。姑從之。此拘說也。凡下部疳蝕者。皆可謂

下疳。何止陰莖哉。况又男女可通。稱下疳乎。泥亦甚矣。

便毒者。謂小腹腿胫合縫之間。結核發瘡也。其為狀也。結

核成腫。大小圓扁不齊。或大痛。或微痛。赤腫焮熱。或惡寒

戰慄。然後大發熱。已潰如魚口。膿血臭爛。久難收口。但其

焮赤甚痛。腫上軟者。膿潰早。若痛輕。赤色淺。腫上鞭者。潰

發遲。方其初結核也。世多好議。內消大非也。殊不知其已

結核。元是瘀血濁液之所凝聚。理當排毒拔穢。何欲解散

耶。縱使僥倖退散。必更在別處滯聚成窠。不發者鮮矣。不

幸內伏。後成結毒者。比比而有。皆由好內消速愈之所致

也。可不畏乎。但以聚毒發瘡。導取膿穢為佳。大凡諸瘡腫

皆宜灸。特便毒初發。大忌灸。何也。以必多消散也。若世之

求速愈者。初發灸之。必多消散。加之外傳內服。俱主消散

之藥皆是面諛容悅之為。而決非排瘀拔根之術。醫人銜
 內消之術。病者喜內消之方。舉世滔滔皆是也。可深悲哉。
 殊不知其內消者。出去軀殼之外耶。抑亦徒退其位。仍移
 別處耶。若出去身外。則極佳事也。雖然其內消也。非汗。非
 吐。非下。非利小便。則徒去其處。反潛竄體中不順之地。終
 成結毒。前後表裏頭面手足腹背筋骨疼痛發漏。缺陷強
 直萎軟。諸患競興。終身不可根治。不可不畏。又大畏也。婦
 人在兩物。或左物。或右物。聚毒腫痛。即是便毒。無復異事。

小兒亦間有之。必是遺毒。蓋便毒之稱。亦甚鄙俚。且義不
 明白。薛已徐春甫並云。於不便之處。患之故也。

見薛已醫案及古今醫統。此元出張從政儒門事親。

非也。凡體中不便處。豈獨止於是乎。不通甚矣。或云。近小
 便處結毒。故也。此亦鑿矣。此是下俚俗稱。固無深義。曾欲
 擇一佳名換去之。無稱可從。故姑用通呼耳。按便毒自宋
 末稍稍言之。如楊士瀛是也。

仁齋直指云。便毒連連作痛。更不腫起。名曰陰毒。

若夫便癰。儒門事親云。夫便癰者。乃男子之疝也。俗呼為便癰。言

於不便處生一癰。故名便癰也。便癰者。謬名也。難素所

不載也。吁。素難所不載。何止便癰。雖楊梅瘡下疳亦然。

張從政漫致費辨者也。

魚口。

古今醫鑑萬病回春等俱云。又古今醫鑑又云。魚口瘡

此以瘡發似魚口。故名之耳。而陳實功云。左為魚口。右

為便毒者。見外科。大非也。何以左右分名之為。

騎馬癰。萬病回春云。便毒又名騎馬癰。騎字書皆無。恐跨字之誤。

見外科正宗。騙馬墜。

醫學綱目云。垂珠左右兩處起癰。為騙馬墜。初起大小

不定。此處微實。皮肉薄。紋緊。口亦難合。此瘡發內股與

于余醫言 便毒 十八 一本堂藏書

Kitasato Memorial Medical Library

陰囊之間者也。又云交襠一處，近稜線上，亦為騙馬陸防漏。

橫疔

醫林集要云：便毒婦人橫疔，即血疔也。又種杏仙方云：

腿便疔瘡，一名橫疔。

又出外科正宗，秘方集驗，本州綱目，所引陸氏積德堂方，樗雞條。

疔疔

見薛己外科樞要，又出十六種婦人良方補遺，婦人疔。

疔，俗名瘡子。

橫眼

魯府禁方云：魚口橫眼，疔瘡疼痛。

一石米瘡

證治準繩引薛案云：俗云一石米瘡，此言百日後可愈。

也。又赤水玄珠云：俗名石米瘡。

血疔

儒門事親云：便癰者，血疔也。○古今醫統外科經驗良

方，證治準繩等，皆以便毒血疔為一，而今醫以為二證。

予余醫言

便毒

十九

本草綱目

可謂迷矣。此雖本於張從政論七疝而論中血疝下云俗名便癰則似非張之誤矣。而欲多疝類妄入是證則張亦無所遁罪也。今時醫人知世人忌便毒名陰識其便毒而陽云是血疝若是者可惡亦可笑也。

外疝

見外科正宗

露癩

證治要訣云露癩名為羊核按本艸綱目菖蒲附方云

露岐便毒而其下引證治要訣今考之則要訣無便毒字又非岐字又鯁膠附方便毒腫痛其下云戴氏治露癩即羊核又醫學入門云路岐些小跨襠間又醫林集要云便癰又名路岐又名便毒又云癩瘡又云下癩瘡又醫書大全云偏癰俗名魯氣由是觀之則露癩露岐路岐魯氣依音近相通呼之耳又醫學入門云小兒患之多因食積痰滯者非也。路岐固非小兒疾皆大人所患小兒止十中有一耳况此疾非因食積痰滯乎李

于余醫言

便毒

二十

本草綱目

槌之安特已甚矣

瘰癧

景岳全書引醫林集要云又有結核在項腋或兩乳傍
 或兩股軟肉處名曰瘰癧癰今考集要結核作癰腫而
 無二或字在癰疽門通治中仙方解毒生肌定痛散方
 後則似亦不可明為夾臍類也由張介賓易結核字則
 似亦今時俗呼狗兒者也當時有脚有冬瘡腫痛或足
 指跌踝有瘡瘍金創打撲腫痛者必在腿根近小腹之

處結核腫甚者惡寒發熱國俗呼為狗兒又云猪兒又

肩背有冬瘡腫痛則兩股下必生瘡根熱痛亦猶小腹

腿股合縫結生羊核王璽所謂腋生夾臍者即是此也

出醫林集要病源候論云瘡建者亦同云人身上患諸瘡熱氣盛者腫

便癰條中焮痛附畔別結聚狀如瘰癧木艸綱目無名異條引

夾臍類皆是後人濫稱令致眩惑者然也

見上○按臍四肢於義不通疑是瘰字

膿淋世總稱淋疾非也審視當時患膿淋者皆是下疳瘡

行余醫言

便毒 膿淋

二十一

才堂藏書

也。蓋下疳者陰莖外面生瘡而疳蝕。故人皆易知膿淋者陰莖竅中生瘡潰爛出膿及血疼痛淋瀝。幾似淋疾。實非真淋疾。故人不得知耳。其辨詳在癢條。且熱溺掠拂竅內瘡爛處出來。則竅中自不得不刺痛。此其所以疼痛溼瀝與真淋疾不異也。方其溺道竅口溜膿貼視之時。或睡中若不虞裏揭起視去。而其陰頭粘着之處破開為創。因成下疳者。每多有之。又觀其溺道臭膿糜爛陰莖馬口。遂成下疳者。比比皆然。可以見其同病益明矣。故吾門斷然以

此為竅內下疳者為是也。或其竅內疳蝕甚。則潰穿陰莖下際及會陰前後成穴出溺者。每多有之。此皆徽毒使然也。且見曾患膿淋人。後過數年。多有結毒諸證。則益足以徵其同疾也。又有無膿而唯出血者。此與血淋大相似。亦是下疳。此以竅內瘡未釀膿先早破裂。故唯出血耳。仍下疳瘡而非淋疾。須深察暗算的施治法。蓋以膿淋為竅內下疳者。全是吾門所發明。世間未嘗有知者。近來有聞此說大驚歎。抃歡者。以至門外君子。亦有聞之。暗稱奇者。苟

能知此施治。則豈唯可療一國之恙乎。實可以救天下之
苦矣。此吾門所以不敢秘惜而明揭以示人。欲使博施濟
衆。拯困厄。亨屯難也。

囊瘡者。謂微瘡生陰囊也。此亦與陰莖下疳不異。輕者可
治。稍重者尤難愈。間有至囊皮爛盡。獨存罩丸。懸露而不
死者。名之曰脫囊。

出祕方集驗

後世稱囊癰者。即是此證。蓋非真癰。猶便毒謂之便癰之

類也。夫陰囊之為體也。唯皮而已矣。唯筋而已矣。罩丸固
筋之凝者。故又曰陰筋。其難愈也。以無肉耶。且一身中之
陰濕之地。瘀汁惡水之所歸。有入而無出。空乎毒氣難盡
而不易愈也。又丹臺玉案有蛙筋疳名。

結毒者。謂因患微瘡下疳便毒。陽耻穢惡。陰索速愈。多用
薰方嗅藥。及水銀輕粉外敷。內服之劑。以取暫時之快。而
其毒不能外發。遂乃內陷。伏藏結滯。表裏上下。皮肉筋骨。
關節之間者。也。或有差後。過三二年。若十餘年。而見以成

害者張介賓謂為瘋毒孫一奎以為楊梅瘋者是也

景岳全書云或至二三十年之後猶然發為瘋毒或至

爛頭或至爛鼻或四肢幽隱之處臭爛不可收拾或遺

毒兒女致患終身赤水玄珠云楊梅瘋十年二十年筋

骨風泡腫痛又云楊梅瘋○瘋字並誤唯謂結毒可也

又有浴溫泉及藥湯取痊而後成此證者

溫泉者謂但馬州城崎瘡湯及諸州稱愈瘡者或攝津

州多田冷泉類也非吾門所用溫泉也

又有其人元氣懦弱不能壯悍以外禦其毒而毒氣留滯

不得發出自成痼結者又有因父母及祖父母傳逮而嬰

童之間已見諸患漸至壯強始發見結毒諸證者或有本

於小兒頭瘡諸惡瘡及臙瘡疥瘡陰癬膿淋痔漏而不幸

變成結毒者其證百端不可縷舉今皆一一分辨以悉證

狀之變

結毒之名諸書雖存未悉其詳特外科正宗為能言焉

云結毒者薰火收過瘡毒而沈於骨髓也又有未經薰

擦見苗未久服藥不多內毒未盡便用點藥收斂鬱遏
 毒氣者亦能致之發則先從筋骨疼痛日從漸漸腫起
 發無定處隨便可生發在關節中則損筋傷骨縱愈曲
 直不便發於口鼻則崩梁缺唇雖痊破形更相發於咽
 喉者更變聲音發在手足者妨於行走原來苦楚一生
 毒遺數代情關一錯禍起百端○又丹臺玉案舉廣瘡
 門其下附出結毒此二書正為先得我心故表出焉○
 又證治準繩云又有餘毒亦名氣毒筋骨疼痛來去不

定亦名濕毒筋骨疼酸乍作乍止氣毒不如結毒之名
 尤當也濕毒亦不切于此證

此邦今時醫流及俗間呼此證為濕毒者蓋本於王肯堂
 見且通呼是疾為濕或濕氣濕瘡者皆非也此證豈濕寒
 之所可生乎意其說全自主張濕熱之說而來耶夫如此
 則住在高山淡谷河濱海涯霧露水濕之處者驟皆可患
 此證而反無病者而居於通都大邑平康乾燥之地者多
 罹此苦則可見是疾全是瘀血惡汁所醞而決非因於濕

也彰彰而明矣。或謂二百年前此疾漸播海內。患者猶稀。故世人以為穢惡疾。均癩大嫌惡之。是以醫人阿諛謂濕者為俗士諱之耳。本非有據而言之。其後準繩等書。舶上來。其說遂痼云。

痼於頭者。謂結毒頭痛。其證頭痛如破。連月不止。晝夜不寐。食減身瘦。或有鼻出臭黃涕。日久頭痛減者。世呼為腦漏者。誤矣。腦豈可漏出乎。若腦已漏出。則無可活之理。觀今之出臭黃涕者。無一人死者。此由頭中至鼻之間有瘀

血惡汁。留滯鬱蒸。遂變成臭黃水。而出鼻耳。非腦漏必矣。若其頭痛輕者。乍作乍止。或及數年不止。又有頭生磊塊。痛其隆起者。自髮中及顏額。數個累累。大小不定。後終發潰。出膿汁。難收口。若痛連于目者。後來多致失明。但白處痛及赤腫者。可治。瞳子痛者。必成盲。可畏。

痼於目者。謂結毒眼疾。其證目痛有血絲。或如塗朱。眶腫。瞳人似有方樣。久久釀膿。潰蝕失明。或有成青盲者。最多。今時視患青盲。人多是結毒。此證無術可施。若頭痛連目。

者多成此證。瘡於鼻者有結毒鼻崩。結毒鼻漏二種。結毒鼻崩者其始鼻中惡臭。生小瘡。山根隱隱而痛。時出瘡痂。或出血。或出膿血黃水。或出紅鼻屎。輕則鼻梁墊重則鼻全落。或有鼻孔兩邊缺蝕者。或有鼻孔中隔潰失。無梁浮動者。又有但腫赤似生節者。結毒鼻漏者鼻出白汁數年不止。其汁淫淫漏出不止。比諸氣汁甚濃。比諸膿色白。又有色黃者。此證世醫視其膿涕謂鼻淵腦漏者誤矣。此即結毒後多有

臭氣間有無臭氣者。又有汁不出。鼻氣常臭者。此亦可謂結毒鼻臭也。此其鼻中有蝕爛處。其腐穢之氣出以撲人鼻者也。甚則臭間數步之間。雖無甚苦。根治則難。瘡於咽喉者有結毒咽疳。結毒咽瘡。結毒鼻音三種。結毒咽疳者。咽中腫痛。或赤爛妨礙飲食。下辛鹹之物。則益刺痛。終至咽門潰爛。凹成窠臼。膿汁留蒸為痰。痛不可忍。臭不可近。將藥難下。漸糜漫潰。旁及懸壅。會厭。所以咽瘡鼻音二證兼起也。若不_地以治_天結毒之法。治之而徒作尋常咽

痛則遲不及事飲食廢而死矣。

先醒齋筆記云倪仲昭患喉癰邑中治喉者遍矣喉漸
漸腐去飲食用粉麪之爛者必仰口而咽每咽泣數行
下馬銘鞠曰此非風火毒也若少年曾患微瘡乎曰未
也父母曾患微瘡乎曰然愈三年而得我銘鞠以為此
必誤服昇藥之故凡患此瘡者中寒涼輕粉之毒毒發
于身昇藥之毒毒發于愈後所生子女毒深者且延及
子孫若甥倘不以治結毒之法治之必死既而詢之云

父母病時果服丸藥而痊痊後曾口碎非昇藥而何今
醫家恬然用之不曉其中毒之深故特明其說○凡咽
喉疔蝕者有如癰狀者又有不作癰樣者由馬氏只視
如癰狀者未視不作癰樣者故以喉癰目之耳其實癰
字未全的當直稱咽疔尤為至當但以筆記先得我心
他書未嘗言及故舉存其說

結毒咽瘡者瘡生會厭會厭漸漸糜爛利蝕短小不能以
掩氣道而水穀將錯入于喉門故升氣衝突以出為咽瘡

也亦喉痛聲啞水漿不得進下炙肉搏飯類則反有間不
 然也若懸壅咽門爛者即與前證同結毒鼻音者毒瘡爛
 蝕懸壅之故也蓋懸壅者口鼻音聲之所分故閉口則懸
 壅前移喉息皆出于鼻開口則懸壅後透喉息悉出于口
 此皆賴懸壅之為屏障而隔分口鼻兩路之限也今也伏
 毒結于懸壅懸壅糜爛漸漸剝缺短盡而止故無口鼻兩
 路之隔而喉息自溢出于鼻所以成鼻音也凡平人鼻聲
 者多是天性懸壅短小故耳乃知喉息分出于鼻也

痼於口者有結毒口糜結毒膠漏結毒齧爛三種結毒口
 糜者因伏毒發于口中糜爛焮痛黃汁常出言語飲食俱
 妨刺痛不安結毒膠漏者鼻中留毒下陷上膠潰開漏孔
 尤妨飲水以飲則溢出鼻也患此證者雖懸壅會厭無何
 異亦作鼻音由息自膠孔漏出于鼻也結毒齧爛者齒斷
 膿潰幾類牙疳膿汁常出或至潰蝕臭不可當狀如熱傷
 但比之熱傷無寒熱邪證或至齧爛盡毒氣下陷穿出頤
 頰痛苦難堪此證多死又有齒縫常出膿汁者或上或下

或併牙齦膿蝕。或有指推齦而纔出膿者。此亦結毒後
 來齦肉漸瘦。齒早落。縱不落。亦多浮動。不能嚼物。後世謂
 牙齦疳蝕。穿出頰頰者。為骨槽風。非也。此不知結毒之所
 致。而強妄命名。陋哉。

續醫說引癸辛雜志云。劉漢卿患骨槽風。久而頰穿膿
 血淋漓。云云。華人此類。渾用風字。甚不當也。用疳或漏
 字。稍似。竟是齦疳耳。

疳於舌者。結毒舌疳是也。此結毒中之一大惡證。多至于

死。世誤呼舌疳非也。其始舌痛無定所。赤爛焮腫。或左偏
 或右偏。或舌頭。或舌心。膿蝕潰缺。如刺。苦不可忍。或自舌
 頭中心。破裂成兩片。或二道。或三道。裂至半。或舌心潰淡。隔
 成孔穴。腫大疼痛。涎液漏脫。日夜不止。至飲食廢而死。間
 有作癰狀者。又有一人漸漸爛蝕。舌盡而死者。又有唯腫
 而不痛。歷數年者。此亦後至爛蝕。又有舌之左右。或頭。或
 根。結核小如豆。大如栗。漸腫不痛。只舌難轉動。言語蹇澁。
 口中甚燥。數年無事者。此雖非舌疳。後亦必爛蝕。

痼於脣者結毒脣發是也。其証或缺或刺有痛有不痛。缺者脣爛膿水出。終及疳蝕刺者始如疣目。若小豆若桃棗。圓扁大小不一。色紫黑皮堅厚。殆類贅瘤。時有血走不止。或為孔黃水流。久年不愈者。醫書稱緊脣。繭脣者疑亦此毒。

病源候論云。脾胃有熱氣發於脣則脣生瘡。而重被風邪寒濕之氣搏於瘡則微腫濕爛。或冷或熱。乍瘡乍發。積月累年。謂之緊脣。亦名瀦脣。千金方亦有緊脣。又有瀦脣。俱不言病狀。

外科正宗云。繭脣因食煎炒過食炙博。又兼患慮暴急。痰隨火行。留注於脣。初結似豆。漸大若蠶繭。突腫堅硬。甚則作痛。飲食妨碍。或破血流。久則變為消渴。消中。難治之證。流血不止。形體瘦弱。虛熱痰生。面色黧黑。腮顴紅現。口乾渴甚者。俱為不治之證也。又云。脣風第。明胃火上攻。其患下脣發。痒作腫。破裂流水。不疼難愈。按古今醫統云。脣緊候撮口不能開。飲食難進。名曰緊脣。又曰噤脣。檢字書無噤字。

痼於耳者。結毒聲是也。其始耳鳴如鐘鼓。如笙簫如奴人
 吶喊如川流湍響。漸漸細音。終至無聞。或左或右。止偏聾
 者。亦間有之。又有始終鳴不止。不至聾者。又有耳雖鳴始
 終出膿水者。此證多不聾。意其瘀血結毒。痼滯耳中。縮括
 神竅。故鳴猶指塞耳中。掌掩耳門。直作無鼓流水之遠韻。
 滯瘀漸漸腫起。竅路窄細。終至腫滿室塞。內外不通。音聲
 無聞。而至于聾聵。其人氣大上逆。或眩暈音聲高大。似啞
 子之面目。或上重欲倒下。輕每蹶。此證尤多。甚難治。開儻

有耳中生痛。其後或出膿水而開者。不然則終不聞。蓋以
 耳中所腫結處。蒸熱成瘡。破出膿水。腫結消滅。竅路開。而
 音聲通也。故腫結不消。則塞路不開。所以不聞也。

痼於筋骨者。結毒筋骨痛是也。此因瘀血惡水結滯于周
 身筋骨之間。隨其所在。發為痛苦。故證狀極多。有頭痛胸
 痛。腹痛脇腋痛。肋眇痛。項痛。背脊痛。腰痛。肩痛。肘痛。臂臑
 痛。腕掌痛。手指痛。臀痛。腿股痛。膝痛。臑痛。肘痛。足踝痛。足
 指痛。跟痛。及眼痛。鼻痛。口痛。咽喉痛。陰莖痛。大槩體中有

痛多是結毒。須要問認精詳。無致妄治。其頭眼鼻口咽喉
 陰莖痛。已見于前。胸痛。世多誤認心痛。其狀或左或右。或
 乳上或乳下。或痛攣肩。或引脇。間有中心痛者。宜子細審
 察。此證若非癥疝。必為則必是結毒。又有胸骨腫起者。若
 赤腫焮痛者。破成瘡。出膿水。終成漏。腋痛。亦有腫核赤痛。
 破成發漏者。其他脇肋眇項背腰脊肩肘臀腿股痛。緊同
 此例。結毒腹痛。極難治。其證腹底沈痛。或左或右。上下無
 定。夜中殊甚。遠飲熱酒。喫熟食。則痛頓止。翌日必痛益甚。

數年不愈。終至于死。稍輕者。連綿涉年。不差。宜參考餘症
 分辨。施治。婦人至甚。後世稱血氣痛者。間有此證。肩背臂
 腕腕掌手指痛。其毒之痼於手者。也有則俱有。間亦特患
 一處。蓋肩之使肘。肘之使腕。腕之使指。次第而然。其必重
 在肩與肘。故其痛亦多著在其證。肩痛似脫。不舉不能提。
 物不能背。反肘痛。屈伸不便。臂腕腕懈惰。如萎。或痛不可
 觸。或麻痺不仁。掌中熱。按之則痛。指痛不可撮物。屈伸不
 利。或屈而不伸。或伸而不屈。如癩。亦有指屈而不伸。與此

行餘醫言

結毒

三十三

一本堂藏書

不同。須診候分明。或左或右。或左右俱有。傳代有腫者。有不腫者。或有麻痺不仁。大類痲證。三十內外。必是結毒。四十以外。遂有從結毒成痲者。以俱因瘀血也。又與手痺大似此。由今時。必有手痺。亦固瘀血之所為也。又腰臀腿股膝。腫肘。踈跟。跌足。心足指痛。其毒之痲。於足者。也有則俱有。或特在一處。蓋腰之使膝。膝之使跌。跌之使指。次第而然。其所重專在膝。故其痛特多。其證膝痛。隱隱慘慘。不可言喻。起坐至難。升降階石。則尤痛難堪。但坐則難立。立則言喻。起坐至難。升降階石。則尤痛難堪。但坐則難立。立則

難坐。此由膝之屈伸不順使也。若已立。則步數里之路。亦不為難者。間或有之。腿股內外。裏心疼痛。腫筋張痛。肘腕踈跟。跌上。足心及指痛。而不利。或痛不可近手。腫者。脛骨突出。為墳。跌肉隆起。股筋隴起。不腫者。脚肉漸減。柴瘦骨立。犢鼻露出。股膈削細。俱至終廢。步起坐動不易。或左或右。或左右俱病。痲於脛骨者。痛不可言。後多潰漏。此證亦難療。風毒脚痺。大類此證。以亦俱瘀血也。宜詳診并腰痛多感。後世醫書。做腎虛者。大不是。但此證。雖非甚痛。藥力

難達故迷而為妄搜耳不可變精一之確見也

瘡於皮肉者結毒發漏是也此因惡血瘀水交結于全身
皮肉之間隨其所在發作漏瘡有頭發漏項頸發漏脇腋
胸腹發漏背脊腰臀發漏肩肘臑臂腕發漏腿股發漏膝
脛脛發漏內外踈趺上足底發漏諸發漏皆為瘡瘍膿
水淋漓潰作巖窟數年不瘥或痛甚或不痛臭氣不可當
間有血出者多是瘀血或黑凝者

赤水玄珠云楊梅漏者是也

古今醫鑑稱楊梅風漏景岳全書稱楊梅癰漏皆同

若發項胸腹脇背腰臀者世誤以癰呼非也此由不知結
毒也頭發漏有變至髮脫落者甚者眉毛亦墮落殆見穢
狀而非真癩即是若癩證也但微瘡是瘀血癩是腐血自
有分不可錯混小兒頭瘡及項發漏多在父母結毒之遺
痼不可徒以頭瘡視發于頸頤之間者久漏難愈每見有
嬰童患此證終死者必是父母之遺毒世間不知遺痼多
致呼癰或胎毒誤治者往往皆死
又有結毒癰瘡即同頸發漏世亦徒以癰瘡視之不知其

實徵毒之發漏。審觀頸顛之為體猶腹腿合縫之地。位即似兩山之間。溪澗狹處。故瘰癧亦猶便毒。予是以謂結毒瘰癧。可名頸便毒者。非戲言也。實是發明。世醫所未嘗知也。但已膿潰者。極難收口。津液多漏。後多成勞。不可救也。小兒頸生結核者。大可畏慎。不可輕視。後多成勞。若潰為漏者。亦致不愈。每見多有此證。不可救藥。又腋流黃水。臭不可近。久久不愈。手至不舉者。呼為腋漏。發肘與膝。腫漏瘡膿潰。連年不瘥者。極多。脛漏亦同。脛漏瘡膿汁淋漓。

巖窟腐爛。陷凹露骨。疼痛不可忍。者。後多致死。諸發漏於

腰股膝。腫之間者。皆為廢疾。不免跛躄。凡臂臑踝跗。發漏

大槩同例。

又有結毒痛。其證口眼喎斜。筋惕肉瞤。或左或右。偏廢如

真痲證。蓋真痛。非在四十四五以上。則無之。若在三十內

外而痛者。必是結毒。或手足頭身。振掉顛曳。或笑或啼。或

怒。或恍惚。全似痲證。手若足。偏廢不遂。語言亦蹇澁。但以

其結毒。必為。故得全治者。間有之。其不治者。由視以為真

痲徒用順氣散類悠悠經月日也。又服水銀輕粉其毒伏結者多有筋惕肉瞤證。或自足拇指及諸指瞤動上走周身。或起於手指。或股陰膈腸筋攣肉瞤緊皆由此毒。必致也。

又有結毒欬嗽其證久欬唱唱不止。或有痰或無痰間有具勞狀而脉不數者。即是此證。此因其毒在骨肉中。內攻裏面。使內氣暴發逆上也。有由欬吐血者。其血色紫黑凝固不散。或吐升許而無害。意是腸胃裡面若外面有結毒。

瘀血滯畜皮裡為一大泡。日久蒸極。泡皮爛破。或裂破。由欬若否。忽然湧出。從逆氣上出于口也。此唯吐蓄瘀耳。故吐盡而無害。若繼以鮮血者死。

又有結毒勞瘵。此因結毒伏于全身。鬱極蒸熱。變成勞瘵。或有始患下疳。微瘡時隱羞。求速愈。外貼粉銀膏藥。毒氣內蒸。遂成勞瘵者。既見勞脉細數。必死證也。其證午後惡寒發熱。或盜汗。或肌熱瘦瘠。欬吐痰。全具勞瘵形狀者。何術可治乎。

又有結毒泄瀉太類疝泄此由其毒流于腸中腸氣疲弱不能分利水穀也又有欬泄兼發者若腸胃罷極飲食不進則危矣

又有結毒痔漏觀今之患痔成漏者多是結毒痔元有餘之疾蓄瘀之極醞釀而成况又直腸肛門與前陰相連全身溝瀆之下流痰汁惡水之所歸則與徽毒何異哉且在會陰之前後左右成漏孔者世皆呼為痔漏誤矣此亦盡係徽毒發漏也又有稱為懸癰者以其發于會陰及其前

後左右近處故錯認為懸癰耳此亦徽毒所為也診考淡察自可見矣

又有結毒水脹淡考此證曾患徽瘡下疳便毒若疥癬膿瘡膿淋之人外敷輕粉水銀等悍藥或用薰方嗅藥或浴愈瘡溫泉及冷泉藥湯瘡愈則毒陷皮裏卒然全身腫脹與尋常水脹不異不善用法治則必危矣此溫泉非吾門所用溫泉如向所謂但州城崎瘡湯是也又見浴攝州多田冷泉直患水脹速死者尤多何可不慎畏而知所擇乎

又有微瘡或發或止遂成結毒數年不愈漸變鼓脹者此證必死不可治也

又有結毒惡寒其狀只是惡寒一日數發或一日一發唯寒而無熱間有發熱者數年不瘥若調攝乖理加以房勞必成勞瘵不可治也

又有結毒上氣此由微毒結圍周身內氣不能發越故上逆而然大凡上升之氣難輒按抑降伏故此證極難治療雖非必死而唯其上升之氣又遠不止亦為熟徑故也用

瀑布灌浴為佳不治後多成聾成盲

又有結毒陰萎此由結毒犯陰器遂廢萎無所用也即與結毒痛同意

又有人不覺何所因但是連月不寐無餘證者若非癰疔必是結毒後多變患頭痛或再發微瘡者間亦有之又有入無寒熱痛苦諸證唯致心情不樂每事懶惰不好對人語言默然間坐者此亦結毒必為但與癰疔相混以其素有癰與癰氣也又有由結毒發癰者與上證同又有結毒

動癥疝變諸證者。此皆以素有癥疝。而結毒外圍。內氣鬱塞滯蒸。遂動癥疝也。結毒兼疝。筋惕疼痛者。至多有之。不善以法治。則二證俱不止也。又有今人曾患徽瘡下疳。便毒及結毒者。後罹瘡疾。則其諸毒脫然除去。此由瘡熱滾動。全身之血液。而瘀血惡水。痼滯經筋者。被彼甚熱。推蕩將去。氣隧一新。窒塞頓開通也。此乃俗間察知之事。而古人未嘗言到。故併表焉。凡帶結毒。人必有鬱蒸內熱。故口氣常甚臭者居多。大便秘結者亦多。此亦由內蒸也。凡婦

女患徽瘡下疳。便毒及結毒發漏者。比之男子較少。此由其月月血汁通下。瘀血惡水亦從而下。無所滯蓄故也。倘有患之者。則其毒甚盛。極難除治。間有輕者。非必皆然。蓋以婦女輩。最懷隱羞之心。故每多有外敷速愈之藥。此其所以難治者。每多也。小兒亦有間患此疾者。皆是父母遺毒。須要詳察分辨。不致誤治。

又有由結毒致眼。上皮垂下者。詳見治驗。又有顴皮垂下。目下面皮垂下者。已見數人。此皆結毒。古人所未言及。今

人死固不知。故多致誤治。此即與上所謂結毒癩陰等同意。蓋以因疹血惡汁之停滯。而真氣怠慢。不貫通也。須默識深察。認得病狀之真根。

凡謂結毒滯蒸。發成瘡瘍。膿水淋漓者。總曰發漏。或數孔競開。或止一孔。蝕筋腐骨。臭氣特甚。瘡口難收。數年不瘥。或有體中無少異。亦無腫痛。遽然開孔出膿者。此亦結毒發漏。以不知其所以。故世間惑而不曉。呼為無名惡瘡。或呼時毒。由其無素也。

景岳全書云。瘡毒久蓄。發為瘋毒。亦名楊梅癰漏。或蝕筋。或腐骨。潰爛不收。最為惡候。○古今醫鑑稱楊梅風漏。○赤水玄珠稱楊梅漏。

若不_下以治微毒之法。治之。徒事消毒。內消悠悠。度日。則不誤事者鮮矣。此亦所可深省察也。

附字辨

徽說文云。中久雨青黑。字彙云。物中久雨而青黑也。字彙正字通。並音枚。說文。康熙字典。並音武悲切。而今時槩與梅同音。故四五月間。梅雨。又曰徽雨。且是時諸物中。霖雨氣皆為青黑色。則宜以枚音為佳。蓋此疾以似楊梅為楊梅瘡。以似物中雨氣為青黑色。為徽瘡。由此疾至後世。益多有之。故字韻亦以後世呼音為當。此吾門所以用徽字從枚音也。又作數黠僻字。勿用疳。與小兒疳疾。牙疳之疳。

並是疳蝕之義。而字彙正字通。康熙字典。唯謂小兒食甘物多生疳病。而無他義。私疑此說未是。何者。牙疳下疳。並是滯瘀發作潰蝕。而非食甘之所致。况小兒疳疾。亦就其瘦削似蟲蝕以命名。而不食甘者。間亦生疳乎。如此則三證義可通用。故今皆定為潰蝕之義。疔。即疔癩之疔。與便毒無干涉。橫痃。名固不可用。疔亦同上。便毒固非疔。何得作血疔乎。疔字書悉無。或是疔字之誤。疔。玉篇云。腫結病也。即贅疣字。則為尤近。為作疔。或可言也。瘡。字書人名外。

俱無疾病義。大可疑也。此固俗稱。宜乎其無謂也。元自路
岐轉來。由音近而妄作耳。瘡亦字書皆無。或是瘡字。瘡王
篇云。皮起病。康熙字典云。集韻。小腫。雖似較近。亦未為的。
肌。玉篇云。四肢手足也。肢同。正韻云。同肢。康熙字典云。集
韻。通作支。俱非疾病字。或是疾字。正字通一說云。疾。血腫
也。未知然否。要之。瘡。疔。瘡。疔。疔。等諸名。皆不可用也。

一本堂行餘醫言卷之六上畢

